

北洋官報

目錄

宮門抄
交門旨

奏議◎法部奏律學館畢業考試學員摺△東撫袁奏籌辦地方自治設立研究所摺△又奏籌辦巡警預備情形片△又奏籌辦各級審判片
公牘△督憲札一件△直隸官吏法政研究所移一件△商會稟一件
文告三則△電報五則△新聞十四則
彙編◎奉天鄉鎮巡警局偵探馬巡規則△浙省官紙印刷局章程△蘇州警局改定職事章程

本局第九十二期法政學報已出

宮門抄

二月二十六日 陸軍部 鑾儀衛 廂白旗值日 大額駙 意公各假滿請 安 崇文門呈 進黃花

魚 李經羲伺候 召見 召見軍機 李經羲

交旨

二月二十六日 軍機大臣欽奉

諭旨此次驗看之開缺廣西太平思順道馮相榮著發往廣西以道員補用欽此

奏議錄要

法部奏律學館第一次畢業考試學員開單呈 覽摺

奏為臣部律學館第一次畢業開繕考試名單暨前後辦理情形恭摺具陳仰祈 聖鑒事竊臣部當改設之初

臣等以任使需才創設律學館業將開辦日期及暫借律例館地址等情於光緒三十三年正月二十六日具奏奉

旨依議欽此欽遵鈔錄原奏附詳細章程咨明學部旋以歸併司所將該館移入臣部署內於三十三年五月二十八日隨摺奏明各在案開辦以來臣等督同前監督右叅議善佺監督員外郎陳康瑞提調郎中劉敦謹員外郎崇芳悉心規畫認真經理凡在部人員有志向學者概令入館肄業延聘 賞還原銜前候補道安徽安慶府知府方連軫並先後遴派臣部郎中吉同鈞主事王之傑員外郎顏紹澤為教習查照學部章程參以臣部職掌分任講授以大清律例及唐明舊律並臣部通行章程例案為主課以各國各種法律為輔課又分日命題試以擬稿擬批刑民判詞著說劄記問答諸功課每半年為一學期四學期為畢業每次考試均由臣等親蒞從事自三十二年十二月扣至三十四年十二月第一次入館學員已屆畢業除先經派隸審判廳及送法律學堂兼習監獄科各員均未與考外計應考者二十七員臣等蒞館面試取定最優等六員優等十七員中等四員均能暢曉律意畢業合格隨即發給文憑此後遇有相當烏佈及各級審判廳差缺擬即就此擇尤揀派其在館未經畢業人員仍令照常肄業並添傳各司所分部學習人員陸續入館將來畢業統照第一次辦理謹將此次考試學員等第繕具清單恭呈 御覽所有臣部律學館第一次畢業暨辦理緣由謹繕摺具陳伏乞

皇上聖鑒謹 奏宣統元年二月十七日奉 旨已錄

謹將光緒三十四年十二月臣部律學館第一次考試畢業學員韓文魁等二十七員等第員名繕具清單恭呈 御覽 計開 候補主事韓文魁 候補主事誠麟 候補主事陳嘉毅 學習員外郎劉蘇生 候補主事劉同元 學習主事羅汝鑫 以上六員均最優等 學習主事唐維驥 學習主事呂有庚 學習主事雷善勛 小京官阿林 學習主事黃恩憲 八品錄事常存 候補主事王子洞 候補主事陳廷贊 小京官祥鐸 學習主事吳毓嵩 候補員外郎色普珍 候補主事陳峻 候補主事世珍 候補主事瑞誣 學習郎中趙家幹 學習主事張樹屏 學習主事冉祿懋 以上十七員均優等 候補主事周志中 學習主事涂熙燮 候補主事慶淦 學習主事譚學周 以上四員均中等

山東巡撫袁樹勛奏籌辦地方自治設立研究所情形摺

奏為遵章籌辦地方自治設立自治研究所開辦情形恭摺仰祈 聖鑒事竊臣恭讀本年正月二十七日電傳

上諭前經憲政編查館奏定頒行分年籌備事宜本年各省均應舉行諮議局選舉及籌辦各州縣地方自治設立自治研究所選用公正明慎之員紳一律依限成立各等因欽此仰見慎重初基鞏固邦本之至意欽佩莫名臣維地方自治誠如原奏名雖近沿泰西實則根莖中古比閩族黨之制燦備於周時三老嗇夫之名僅存於漢世至歷代之保甲鄉約及今各處水會善堂積穀保甲諸事則雖以本鄉之人辦本鄉之事然選舉之法無存把持之患愈處賢者有塗炭衣冠之懼而自好不爲不肖者煽狐鼠城社之風而路人以目官長誤以摧殘民氣爲賢能人民誤以習慣服從爲安分禮失求野文郁從周斟酌今事窮思變臣於去年冬間卽與司道籌商以爲地方自治施諸今日必先知其所難而後知其所便夫愚民烈燄燿於暴秦科舉拘攣始自唐宋政治委靡知識消亡譬如久病痿痺而與之馳驟則厥足用傷甫及含哺而遽餉膏粱則雖茹必吐卽如近數年間教育會商會等其辦有秩序者固日進於文明其貌是神非者或益叢爲詬病此其所以爲難也然天下無無弊之法中人皆可造之才國所與立者惟民民所附麗者惟國三代以上君與民相親故則君自治之文見諸禮運五洲而遙國由民所積故地方自治之制行且同倫今者蒐採列邦商榷舊制將名義範圍經費各節咸納於自治監督之所司卽爲城爲鎮爲鄉各區悉蘊爲自治精神之所寄以少數官制之能力鞏衛國家與以多類人民自治之能力保守疆土譬如有中央而護以四方有頭目而捍以手足其爲得失無待著龜此又所以爲便也臣等再三討論遂於上年冬間卽擬定自治研究所章程計東省一百零七州縣每處選派二人到省入該所研究延派嫻習法政學識開通者分別先任所長及教務各事宜業於本年二月初一日開課並遵原奏責成諮議局籌辦處兼理地方自治一應籌辦事宜仍派該處司道率同在事員紳認真辦理概不另支薪水以節糜費一俟養成此項自治人才略有基礎再推行各州縣遵章依限擴充除將自治研究所章程及職員清單分咨查照外芻蕘之見是否有當恭摺具陳伏乞

皇上聖鑒訓示謹 奏宣統元年二月二十三日奉 硃批該衙門知道欽此

又奏籌辦各州縣巡警豫備情形片

再憲政編查館奏定九年籌備事宜清單內載第二年期各廳州縣巡警年內粗具規模一節查上年准民政部咨行奏定各省巡警學堂章程內開高等巡警學堂各省城須設一處巡警教練所府廳州縣須設一處又高等巡警

學堂爲目前警官需人計得附設簡易科其各省已設有巡警學堂者均按照此次奏定章程辦理並限期設立由各督撫具奏咨部等語查東省於光緒二十九年開辦警務學堂參照直隸辦法經前任撫臣周馥奏咨有案三十一年三十二年歷經分派該學堂官班學生及兵班學生赴各州縣分充巡官教弁等職又光緒三十二年經前升任撫臣楊士驥奏請於兗曹兩府分設巡警學堂一所嗣奉部覆准其暫行試辦在案臣上年到任後將省城警務學堂逐一考核覺缺憾頗多非加改良難資任使卽查照新章飭該學堂改爲高等巡警學堂將已辦各班分別考驗給憑仍照現行章程另行招考暫定爲正科學額八十名簡易科學額一百二十名次第招齊卽日開課至各府州縣照章須設教練所一處每處至少一百名東省百餘州縣學額將萬餘名如同時並舉則財力既虞告罄教員亦慮乏材查從前各州縣本派有學生襄辦警務但學識究未完備擬一面陸續抽換回省使之補習而資造就並在省先設巡警教練所一處學額寬定在二百名以上現正在招生開課所有職員名目學科等級悉查照定章辦理一俟省城辦有基礎再圖擴充至兗曹兩府巡警學堂開辦已及三年考察情形殊少成效應俟學生畢業一律裁撤以符定章所有籌辦各州縣巡警豫備情形除分咨查照外理合附片具陳伏乞 聖鑒訓示謹 奏宣統元年二月二十三日奉 硃批該衙門知道欽此

又奏籌辦各級審判豫備情形片

再憲政編查館奏定九年籌備事宜清單內載第二年期籌辦各省省城及商埠等處各級審判廳法部各省督撫同辦一節查審判一項在吾國舊制皆視爲州縣分內之事其聽訟判決稍稍負神明之譽者大都得之經驗而非有專門之學問譬如醫者用藥以病人之身命爲嘗試必俟其經驗稍多而或有一二之微中以是言之寃滯之能伸雪者殆無幾何在閉關之時州縣以此爲考成終日堂皇不難徐增其閱歷今則世變孔亟地方應辦之事愈多即如九年籌備凡外省所應辦者無一不當責成州縣論學問豈能兼長論時間亦慮未逮臣與司道等悉心斟酌欲籌辦各級審判當先養成審判人材然參仿列邦制度揆之吾國情形以一縣設立一審判廳計之每邑分爲刑事民事兩庭每庭推事三人山東百餘州縣需員六百餘人而檢察員及典獄官尙不在內其與此事相需而成之律師陪審等員更無論矣現在新政繁興百端待理不特經費支絀且無如此寬廣之講舍爲同時并進之圖查東

省法政學堂開辦已久上年遵照學部畫一辦法業已切實舉行茲將原有之速成班分別認真考驗增益課程改爲司法講習科專爲養成審判員之地新招之講習班亦准此辦理庶幾此項人才稍有萌芽將來逐漸推行不無基礎仍候法部訂章會同辦理所有籌辦各級審判先行豫備情形除分咨查照外理合附片具陳伏乞 聖鑒訓示謹 奏宣統元年二月二十三日奉 硃批該衙門知道欽此

公牘錄要

督憲楊據北洋灤州官礦公司詳陳家嶺附礦完納稅釐情形札飭礦政調查局遵照文

爲札飭事據北洋灤州官礦有限公司詳稱竊職公司於宣統元年正月初九日奉憲台札開據津海關道詳稱現准唐山開平礦務局函開現聞北洋灤州煤礦公司前在開平鎮西北距開平四五里地名馬家溝開挖煤井一處暫用土法方挖至十五丈深據說明春始開挖工安設機器卽以其地爲總礦又在開平東北十餘里地名陳家嶺開挖煤井一處名曰附礦共井桶二個全用土法業已成功其煤與開平礦局之煤相仿現在每月約出百餘噸四路以馬車購運者日中絡繹不絕銷場日見興旺除選其佳者留待自用外其餘碎煤尙日售數十噸據此情形似應卽早立局徵收稅釐以裕 國課而免漏遺若待馬家溝一律告成恐曠日持久遺漏爲數愈多理合據實奉聞敬請查核轉詳應如何辦理之處懇祈酌奪施行等因准此查北洋灤州煤礦公司在開平東北陳家嶺開挖煤井每日出煤百餘噸銷場日見興旺自應照章徵收稅釐可否由開平煤礦稅釐局就近徵收抑由礦政調查局按照新章派員徵收之處理合詳請查核俯賜批示祇遵實爲公便等情到本大臣據此除批示外合行札飭札到該公司卽便查核詳辦此札等因蒙此遵卽轉飭陳家嶺附礦經理員切實稟覆茲據稟稱查開平局煤釐辦法庚子以前凡係由火車外運者照章完稅完釐當地土銷一概免完庚子後無論外運土銷始均照數完納至自用燒鍋爐煉焦炭仍一律免完釐稅開平煤礦創辦有年井深質佳售價又昂外運約居十之七八是以照章完納稅釐陳家嶺創辦伊始煤井僅及二十餘丈煤質尙次售價又低除自用燒鍋爐煉焦炭外非特未曾外運各埠卽土銷亦屬有限若遽完納稅釐力實未逮擬請轉稟懇准照庚子以前土銷免稅之例將此項稅釐暫行從緩或照開平局完納稅釐數目每噸減收十分之六俟煤質漸佳煤價稍昂外運漸多再爲照章完納等情前來伏查陳家嶺附礦始

用土法開採創辦經營備歷險阻近雖出煤除自用外土銷有限獲利甚難擬懇憲恩俯念礦產創辦匪易可否檄飭津海關道轉咨開平煤礦稅釐局准緩繳納稅釐如實難從緩或照開平局完納稅釐數目每噸減定十分之六以示體恤而昭公允所有查覆陳家嶺附礦暫免稅釐或從輕完納緣由理合詳請憲台鑒核俯賜撥飭實爲公便等情到本大臣據此除批據詳已悉陳家嶺附礦開辦未久土銷有限自應暫時減收稅釐俟煤質漸佳煤價稍長再行照數完納候行礦政調查局遵照新章派員經收具報並先詳咨備案繳掛發外合行札飭札到該局即便查照辦理此札

直隸官吏法政研究所咨會改辦情形暨開用關防日期文

爲咨會事考驗處與敵所前奉 督憲楊面諭飭將考驗處研究所兩事妥籌變通之法查新定考驗外官章程凡向來在省候補人員遵照新章考列三四等者及新選分發人員除正途出身及高等以上學堂畢業外俱須入法政學堂肄業惟是津地雖有法政專門學堂兼設有職速成科一班徒以限於堂舍錄取無多查得審判研究所本係學習發審公所改設學員額數頻年加增而所習科學重在審判於行政未克完全擬將審判研究所量爲變通改爲法政研究所研究之法分途教授設司法行政兩科凡本所向章所收之正途出身高等以上學堂畢業等員或在所研究已久者照常肄業添習行政一項從前候補人員及新選新分發到省留津例入法政學堂肄業者考驗後即咨送入所研究分別長期三年速成年半畢業等因會詳在案十一月二十七日奉 督憲批准將審判研究所改爲法政研究所併札派正副監督各一員十二月二十二日復奉 督憲頒發木質關防一顆文曰直隸官吏法政研究所之關防遵於宣統元年正月十六日啟用除報明並分移外相應備文咨會爲此合咨貴局請煩查照施行須至咨者

天津商會稟遵飭核議津埠各布商虧欠各洋商貨款辦法文並批

敬稟者竊奉 大帥札開爲札飭事據閩都布商順記祥倪福慶等稟稱竊查津埠洋布各商虧欠各洋行貨款實有種種原因不得不爲我憲台縷晰陳之查天津自遭庚子之變或遭搶掠或被焚燒市面爲之一空繼因銀根奇絀貼水驟增市面又爲之一耗經此兩番虧損商力業已難支猶冀買賣日興以圖補救詎意市面又陡然蕭索來

源日竭困德情形殆難言狀此又受害之漸者也迨後各商訂購津行貨物花色不一均以時新花色爲廣銷之路加之近年各行貪圖多銷貨物無論何家訂貨均可一律承辦洋行銷售既雜華商遂互相傾擠以致貨色滯銷爲向來所未有及至存棧又有棧租保險等費存儲日久各洋行卽代爲貶價出售虧折之銀仍責令定貨之家賠補此又受害之大者也再各商與洋行定貨均講先令爲根本定時先令價合式及至到貨時遇先令價跌落因之大爲虧本譬如先令以三個二三之價跌落至二個四五較比貨值千兩竟賠銀三百兩之譜又日本洋線定貨時日本洋價每元六錢四五到貨後洋每元竟漲至八錢七八每銀千兩較比竟賠銀三百餘兩又有定貨所訂花色及至到貨時有不符合者到貨遠期遲早均係商等吃虧此皆受病之大端也再天津爲招商碼頭專藉外客爲銷路外客來津辦貨賒欠最占多數商家意圖銷貨不得不照通例辦理及至收銀外客率多勒措以致欠商者數在鉅萬商等所欠洋行貨款又須加息日復一日積成鉅款此又受害之一端也幸蒙憲台鑒察設法補救迭與各國領事籌商尙未就議不意仁記各行洋東以各商積欠紛紛迭案追償當查津埠疲敗已達極點若照各洋商破產之意勢必全局搖動紛紛倒閉津市何堪設想仰見憲台保商爲懷值此商業窘迫已至萬分雖全家性命盡畢於是亦不足息此重累晝夜愁思惟有仰懇督憲大人恩准設法維持轉商各國領事官諄勸各洋商暫從推緩會議章程以救商等之急迫市面幸甚大局幸甚等情到本大臣據此除批示並分行外合行札飭札到該商會卽便妥議具報等因奉此遵查洋行積欠各洋行貨款事重鉅關係全埠大局亟應設法補救以挽頹靡上年春夏間職會集衆一再籌商擬將此項欠款分爲三種一曰實欠一曰加息一曰存貨分別推緩次第清理稟承 大帥轉飭關道迭與各領事往返商榷各洋商均未肯照允復於上年十二月間仰蒙 大帥率同司道並職道傳集各領事會議辦法當由領袖領事面呈節略一扣同衆宣布環請挽救卽蒙 大帥逐條核議分別准駁函覆在案嗣於上年十二月二十九日奉到關道函送 大帥發下先後致美總領事函及其覆書節節即查照等因職道等逐細稽核美總領事答覆各條多非持平之論惟各國領事公允決定第三條由職會帶同各欠戶及被欠各洋行妥商辦法以便研究善策隨於正月初九日偕洋布商董齊赴大倉洋行約同東西各洋商詳細討論總以華商拖累過鉅勢須全數收回爲詞別無善策再四推勘旋由洋商巴貝擬招洋款一千四百萬兩借給商家開設銀行得利彌補此

款借金還金年息在四五釐之間須由公家擔保查各省籌借外債曾經部議須由本省督撫奏奉

諭旨允准

方能欽遵辦理仍應外借外還此係專指辦理 國政而言若以華商拖欠洋商款項公家保借外債無異承借則營運得利彌補商款雖爲整頓市面起見向來無此辦法且能否得利尙無把握特恐前累未清後累加重公家萬難照准竭力駁辯幾於舌敝唇焦乃各洋商以華商拖欠數在一千四百萬華商受病已深而洋商之受累尤切於華商緣洋商款項多取借銀行若不歸結終不得了然中外商務均與 國家有密切關係商務壞則國課有損若不籌設特別辦法華商破產洋商虧折勢必同歸於盡是華洋商交受重累現擬招借鉅款徐圖彌補亦萬不得已之舉情詞懇切聽之惻然職道等繼思各洋貨商拖累至一千餘萬之多調查各財產不足二三成之譜若遷就議辦華商家產盡淨無可再增洋商虧折過鉅萬難承認勢必激成破產波及全局似非設法維持斷不足以濟時艱而弭隱患細核洋商巴貝等擬訂承招洋款之舉不爲無見職道等明知此項虧累係由華洋商交易而來然爲大局計又不得不代爲籌畫悉心妥議洋商巴貝擬招洋款官保商用似不如官借官用較爲切實查前蒙前督憲袁奏辦公債票計息八釐現經郵傳部議辦公債票奏定常年生息七釐以洋商巴貝訂借四五釐之洋款撥歸公債票濟用或另籌安置常年照七八釐生息核計應得餘利約數百萬兩即將此項餘款提出彌補各行欠款然後再將各商財產分別議辦徐圖清結較易著手合無仰懇 大帥逾格矜全准將巴貝承招洋款設法承借或歸公債票濟用或飭各官銀號銀行妥籌辦法則華商得一線生機全局不致搖動即課稅民生均有裨益一面懇乞大帥札飭關道照會各領事暫從緩追以免潰敗之處伏候 核奪施行所有遵飭妥議緣由是否有當理合稟請 大帥查核批示祇遵實爲公便肅此恭叩 勛祺

督憲楊 批據稟已悉津埠布商積欠洋行貨款爲數甚鉅自宜妥籌善法以維市面惟議借洋款無論商用官用

與自有財權關繫頗大易滋流弊且以官借之款了商欠之債雖僅取諸贏利此端亦不可開現在德日法各領事既有各舉數人公同商議之說候即鈔稟行知津海關道會同該總協理督飭各布商先將疏通存貨清理欠項一切辦法暨各布商實欠洋商貨本若干利息若干分別詳晰調查明確預爲通盤籌畫以便臨時提議至應如何分別處理且俟會商之後再行察酌情形妥慎籌議核辦繳

文告錄要

農工商部批示○商人楊光輔等稟 批前據該商等稟呈置買荒山培養樹木遞年山本俄錢四萬餘吊迄未給領懇咨吉省查案給發等情當經本部據情咨行東三省總督吉林巡撫飭屬查明辦理去後茲准復呈吉省東北一帶荒山並無業主楊光輔等承領山地如果實爲己產當有印契執照收存以憑核辦乃於請發山本之際既無契紙檢呈又無執照請驗查前將軍咨報華俄商砍運木植徵收票案內亦無撥還山本之例如果冒然給領既與咨案不符其所呈八成報効歸公一節統閱原案並無此項名目等語合行批示仰該商等遵照毋得嘵

讀此批

督憲批示錄要○習藝所詳留所人犯侯錦芬等二名習藝限滿分別遞回原籍管束由 批據詳已悉仰將該犯侯錦芬等分別遞回原籍嚴加管束並移臬司查照暨候咨會 江蘇撫部院轉飭遵照繳○南樂縣廖毓英稟

設立戒煙局日期由 批據稟已悉仰禁煙局查核飭知繳

直隸法政學堂榜示○爲榜示事照得今日補考諸生業將試卷評定甲乙合亟榜示爲此示仰取錄各生迅即取具保狀來堂交納本學期學費洋銀十八元並將保證金二元填寫履歷志願等書定於閏二月初一日早八鐘齊集本堂行開學禮須至榜者 計開 錄取補考五名 劉福鏞 漆伯甲 婁仲和 徐其名 徐其祿

電報錄要

路透電○英國司丹德爾報駐巴黎訪員報告英德法三國銀行家於禮拜六日會議中國籌辦國債事聞因有籌款辦法不同之處故未定議云

又電○懷德氏擬在英國某行定造飛艇六艘并在英國塞比地方建設製造廠每兩禮拜造成飛艇一艘

柏林電○土耳其政府擬在日本東京設立使署

又電○俄國黑海艦隊現在預備妥協擬即開往波斯海灣

又電○塞非亞國答覆奧國之書爲直接會議事現已送交奧政府并要求奧國將奧塞商約早爲議訂（奧國前已駁拒）按塞國之書似不欲直接會議現在奧政府對於此書甚不滿意聞塞曼兩國現仍預備戰事土國亦

擬以軍備保護土國利權

新政紀聞

政治

分配選舉議員額數○蘇撫陳伯帥以各屬選舉人名冊近據陸續報齊初選投票已定閏二月朔舉行昨特將蘇五屬選舉人總數電咨江督查照並札行蘇籌辦處略謂照章議員應由督撫分配初選當選人應由各複選監督分配惟籌辦處有綜司合屬選舉事宜之責所有議員及初選當選人額數均由該處照章分配云

贛撫提倡地方自治○現在預備立憲必以地方自治為初基贛省各屬內地風氣尙未大開其士紳熱心公益者頗居少數現贛撫馮中丞以地方自治章程已由憲政館奏定頒發各屬城鎮鄉地方自治亟應預籌辦法從速組織以冀日進文明故近日各屬稟報政事月報均批飭各牧令極力提倡會紳妥議籌辦

學務

查補皖籍官費名額○駐日胡星使咨行皖撫以各省官費生名額空出查照部章須留東私費生學科相等成績可觀者方准補入查東京早稻田學校皖籍官費生胡遇璜劉裕淇姚煥等業於去歲畢業回國茲有農科肄業生潘贊化籍隸皖例應補入其餘官費名額俟陽歷三月間有攷取同等學科者當再補入朱經帥准咨後已札飭吳學使備案查照

府教育會提議事件○浙江甯波府教育會日前由常住幹事員張雨湘張嶧桐二君通告職員到事務所開會是日全體職員均至先由書記員報告一月內文牘函件茲將提議各節照錄於下 一駐省議事員 浙江教育總會甯波駐省議事員本係舉定魏仲車范仰喬兩君茲因范君留甯襄辦法政學堂不能駐省當場即推定徐康馥君接充 二辦理育嬰堂改良事宜人員 育嬰堂改良一事屢次提議無人擔任現擬推舉徐壽青君為總幹事 三外縣會員招待所 會中餘屋借與鄞縣辦理勸學所現在該所已指定鄞縣學副齋舍俟遷移後即行開辦招待所庶於開大會時各會員不至有奔走之苦 四地方自治講習所 地方自治亟宜預備擬開辦講習所屬附於法政學堂內詳細章程即時請起草員趕訂云

軍政

兵事研究所改名○蘇垣兵事研究所於去臘畢業考試後現監督周提調鼎銘評閱試卷以各學員程度太低於研究二字名義不合因特回明袁劉兩總辦將該所改為軍事傳習所一面評判甲乙聞已擬定特等八名一等二十二名二等二十七名不日即將出案矣

照會鄉董呈驗槍械○蘇鄉各屬殷實居民往往藏有洋槍軍械爲防禦盜匪之具並有獵戶所用洋槍雖爲例所不禁然去年曾由清鄉局飭縣查明加印火烙以杜私藏軍火情事然當時雖經由縣飭查未據各鄉呈驗而現值清鄉局裁撤後此項收藏軍械雖爲公家認可而應行查明件數編列號目加蓋縣戳方可准予收藏否則即須弔銷故由長元吳三首縣照會各鄉董事趕緊查明檢呈驗烙不得視爲具文云

關於驛務之通飭○蘇臬左廉訪以有驛各州縣每年應購驛馬奉部定例須於三月內赴司請票五月間購回方准開銷馬價草料遲則干議等因歷經通飭遵照而各屬請票赴買每多逾限又奉大部嚴飭凡逾限者馬價草料一概不准開銷在案茲屆本年應購驛馬之期特通飭有驛各州縣提前赴司請票毋稍遲延又以有驛各州縣每年應造驛站冊籍奉部定限三月內詳送司署核實彙造詳題乃近年各屬每多延誤以致不能依限辦理茲屆飭造三十四年奏銷之期特通飭各州縣速將上年應造驛站支銷考成糜糧雇夫雜款倒馬各冊備齊呈送以憑彙案核辦

財政

趕造牙釐統計表冊○蘇省牙釐局督辦朱竹石觀察奉江督札略謂准大部咨行清釐江南各項財政牙釐爲歲入之一大宗亟宜編列表冊核實統計仰即於文到一月內繕造完竣尅日彙送以憑考察而資整頓等因當即遵照辦理目下調查鈎稽正在十分忙碌云

膏捐統歸警局收支○蘇藩詳撫院文云查三縣膏捐原撥禁煙公所巡警工食戒煙官醫局四項之用與外屬州縣膏捐抵支賠款者情形不同現因煙禁嚴厲未便再由該公所收捐擬照外屬州縣例劃歸三縣經收由牙釐局督征該公所原有經費援照山陝等省成案歸司庫另籌作正開銷自屬正辦惟查現准牙釐局咨覆三縣膏捐應歸巡警局一手收放以免往返轉折之煩應如何整頓由巡警局會同禁煙局辦理詳奉批准在案是此項

三縣膏捐改歸巡警局收放所有禁煙公所額支經費即應由警局按月照數就近移解公所應用無庸再由司庫設籌免致獨任其難其膏捐內原撥戒煙官醫二局經費現亦由司咨商善後局另行籌撥已准咨覆照辦除撥解禁煙公所經費外騰出戒煙官醫二局底款悉歸巡警局之用較之原撥警費實有贏餘查有司庫認籌商務局停撥經費洋一千元堪以就數抵支以後即不必由司代籌設或不敷當可勉強支持似此一轉移間禁煙經費無須另籌即商務局停撥警局月款仍歸有著膏捐既可整頓收付更形便捷是否可行詳祈示遵

調查全省行政費○鄂督陳小帥近以庫款支絀籌措維艱所有一切要需幾有入不敷出之勢擬將全省各項行政費切實調查聞已通飭各府廳縣查明造報以便查核

實業

上商研究紀聞○十九晚爲天津木工瓦工合併開會研究之期首由瓦工會長杜寶善提議現今建築樓房形式新奇屋內多用地板以免潮濕而外面台階以及平台均用洋灰鋪墊稍不得法即有塌陷峭裂之弊查現時平

台多用花磚較用洋灰工既省而且壯觀價值亦頗不貴復由木工會長胡成太提議目下天氣漸暖所有各處主顧覓令修補及起蓋房屋並製造木器傢俱者甚多惟限定日期未免太迫查我津各種木料並無極乾者倘從權購用不日即有皸裂之虞第炮製之法似非經年不可但用主不察動即歸罪於工人殊覺冤抑之至嗣由宋會長復演經濟學並將工業分功之效細加剖解再是晚又爲鞋商研究之期首由會長宋少卿提議現今生意異常蕭索雖河路開通仍未見外客來津購辦貨物查鞋商生意向年銷售奉省者最多近年奉省銀根支絀生意類敗以致我津鞋商亦大受影響繼由田會員論先年我津鞋商銷售河南山西奉省每年每家至少銷至萬餘件利頗不薄現查各該省所用靴鞋係自行仿造津莊作法所用材料較津莊亦覺合式又云京都靴鞋行銷奉吉黑三省恰克圖哈爾濱及歸化城東口一帶行銷雖遠至多不過數千係因運費較昂所致末由李會長演說中國利權盡爲外洋所攘奪所有工業商務亟宜改良別開生面庶可挽回於萬一現時鞋商生意既屬蕭條必須組織皮件公司招售股本製造靴鞋日久定卜暢旺查近來學界軍界購用皮鞋以及箱匣等件者居多擬須迅速提倡以資補救云聞現擬另日開特別會議預算股本若干及若何作法再行定議開辦

以節糜費至特別獎勵由本局臨時分別核給不在此例

一值探隊如訪有重大案件立即破獲或協同拿獲者斟酌案情分別提升照民政部頒定章程辦理

一值探隊尋常調查應照所開路綫單按照訂定鐘點施行不得任意以圖塞責如查有疎懶朦混情事從重懲罰

一創立偵探隊所訂規則有未完備之處因革損益屆時再行釐訂

浙省官紙印刷總局開辦章程

第一條 由藩司刊刻關防文曰浙江官紙印刷總局關防呈報撫憲啟用以資信守

第二條 由藩司詳撥公款洋二萬元以爲開辦經費現擬租賃官錢局舊屋爲局所其印刷發行暫併一處俟辦有成效再議分立

第三條 廣東官紙局未大發達由於各衙署局所不能通行之故浙省既創設官紙印刷局所有上下各官署局

卡防營官書所用紙張均應定式製造悉准成本核實定價以期推行擬分別尋常特別兩種如司署官契紙契

尾各關局三聯票各種捐票單照實收州縣征糧串票冊簿等項特別之件應由各署局隨時備價來局領購其

各項表格及官民尋常通用之件名色甚多應由地方官曉諭妥實紙店來局繳價承領分銷或因地方僻遠無

紙店專業亦准別業兼售紙貨之店繳價領銷凡經理代售或預約印造除狀紙外其餘售價發行時酌量減成

作爲代售餘利

第四條 正副狀紙保狀切結應照廣東式樣製造仍加蓋鋼印每張定收銀三角半切結等紙每張加銀二分命

盜案件每張亦照三角半如告狀不用官紙卽作違式不准省城民間控訴儘可隨時赴本局購買

第五條 地方官遇有交接凡用印文請領之契紙糧串狀紙用有餘存准其移交後任抵款接收惟前後任俱應

將數目報局並列入交代會稟以憑稽核尋常之件不在此列

第六條 民間信用之件如紙幣當票合同股分票婚帖及鐵路公司所用紙張之類應歸官局專賣印造發行時

由官紙局詳請通飭照會商會協議一律遵用

第七條 本局出入款項概用洋元以期簡易而便核算按月造冊通報

第八條 官紙局特別紙張如官用各紙及狀紙當票等類各紙店不得仿造私售如違查實封店罰辦

第九條 將來紙局辦有成效除歸完官本開支一切外所有溢利作為一成以一成為公積一成分作員司花紅其餘由司存候撥用每歲終由局將歲入歲出列表報告並造四柱細數清冊分送憲署警藩司衙門備案

第十條 本局司事工匠視事之繁簡定用人之多寡俟臨時斟酌另行釐訂

第十一條 本局置用器具點清存案如有短少由賬房包賠

第十二條 局中員司各有專司無故不得擅離職守每月請假不得過三日遇有疾病事故連日不能到局即須請人代理以免曠誤

第十三條 本局關防由督辦特派一員掌管每日在辦公處啟用

第十四條 給發薪工每月以十五日為准不得長支預領

第十五條 員司辦公時刻每日上午自七點鐘起至十二點鐘止下午自兩點鐘起至六點鐘止

第十六條 本局員司如有異常勤奮者酌加薪水優給花紅其有因循誤公者輕則議罰重則撤換

蘇州警局改定巡官區員職事章程

一 巡官管理本路各區警務有指揮督率之專責凡各區員巡弁功過均應隨時稽核稟請總局酌核辦理凡各巡

長巡士勤惰由所管區員彙記呈由巡官察核仍於月杪造冊申報總局

二 各區民刑訴訟事件及由區員拘送之違警罪犯均責成巡官審判發落隨時用簿登記月杪詳報總局凡案情

查察不實區員應受責成裁判不公巡官應受責任均由總局查照舊章分別辦理

查各國警章祇有逮捕搜索之責并無裁判之權惟中國司法獨立之制尙未組織完備故皆以巡警分局兼攝

區裁判所之事項應查照區裁判所條例辦理與地方問刑衙門劃清權限將來由總局設立裁判所邊員辦理

三 巡官有教練巡警之專責其內場教練應由各區巡員辦理而輔之以巡長仍按月將本局及各區巡警分班對

調以期教育普及

四 巡官須一晝夜為一回以上之巡視巡迴各區視察區員巡弁等之勤惰及管界內一切之情狀記入勤務冊按

啓新洋灰有限公司廣告



啓者本公司係承受唐山洋灰公司創設新廠歸併舊有之老廠擴充辦理改
 名啓新洋灰有限公司專奉北洋升督憲袁咨准農工商部註冊立案上
 年購到外洋最新式機器全副去臘業已開機所出之灰足敷主顧購用尙有製造
 考驗拉力結力俱高外洋之貨且機器加大出灰易均上海漢口等埠均設
 設在天津海大道英租界先農公司對面並北京烟台上海漢口等埠均設
 分處銷藉廣招徠如蒙訂購交貨無不從速至價廉貨高久爲中外紳商
 所信用不待贅述所有本公司各種磚瓦等件尺寸重量式樣及大概用法另
 刊華洋廣告光顧諸君請向本公司索閱價值一切亦可接洽也
 得待風一千三百九號

啓新洋灰有限公司添招磚窑股本廣告

啓者本公司第二屆會議提及上年議決在唐山東北二十餘里之馬家溝添設機器磚窑現在即須開辦約計成
 本行本共洋三十萬元仍以五十元爲一股先儘原股東附入是日在會股東已各認定股數頗形踴躍如再有股
 東願入此股者請自二月十六日起兩個月內先將認定之股數函示註冊該股款於註冊後兩個月內全數交
 齊即以交款之日起息如欲詢詳細辦法請惠臨天津海大道本公司面談可也此布

啓新洋灰有限公司分派第二期年息紅利廣告

敬啓者本公司應派上年年息紅利定於閏二月初一日起憑息單發給並分送帳略務祈在股諸君屆期到天
 津海大道本公司總理處領取如南省股東亦可將息單交上海天津分銀號承接寄津代取不計匯費惟津滬往
 返函寄約需一月屆時望持該號收條領取息單可也

欲為諮議局議員者

總發行所 上海商務印書館分設

京師 天津 太原 成都 漢口 福州 奉天 濟南 開封 重慶 長沙 廣州

今年九月各省開辦諮議局 議員責任綦重 非研究有素 臨時必至周章 故凡為議員者 第一須知普通政法之學理 第二須知立憲制度之精神 第三須知地方自治之組織 第四須知會議決議之方法 本館所出政法書百餘種 茲選其尤簡要而又有合於斯四者 分別列目 幸垂鑒焉

◎普通政法書 法學通論一元 法制經濟通論四角 政法理財講義五角 日本法制要旨一元 日本明治法制史九角 政治講義五角 法律經濟辭典布面七角 法規大全解字四角

◎憲法書 政治學及比較憲法論二元 憲法研究書一元 憲政論四角 日本憲法義解三角 本預備立憲過去事實五分 立憲國民讀本三角

◎議會書 日本議會法規四角 議會政黨論五角 十六國議院典例一元 日本議員必攜八

◎地方自治書 日本自治論七角 歐洲大陸市政論四角 地方自治財政論五角 地方自治淺說三角 此外政法書 之尤重要者

◎法律 有日本法規大全 日本六法全書一元 比較國法學七角 國法學一元 行政法汎論一元 行政法各論六角 民法原論二元 政治列國政要三元 政治學一元 那特經政治學四角 政治汎論二元 萬國國力比較二元 嚴復社會通詮一元 嚴復羣學肆言一元 嚴復羣己權界論八角

◎財政 有經濟通論七角 理財新義五分 英國度支考四角 國債論三角 計學教科書一元 理財學講義四角 計學淺訓五角

◎教育 有日本明治學制沿革史五元 歐美教育實際二元 德國學校制度四角

◎警察 有警察講義錄五元 雖卷帙較繁 議員苟有餘力而兼治之 則受益無窮矣

◎尚有諮議局章程箋釋四角 諮議局章程要義五分 諮議局調查須知五分 議諮局選舉須知一角 諮議局章程表解三分 尤人人所必讀 無待贅言也 (河北大胡同電話五百二十六號)

北洋灤州官礦有限公司付息廣告

啟者查本公司定章每屆二月會議三月付息現時井工正在趨辦股東會尚未成立茲先循章將各股東自交股日起截至光緒三十四年底止應得正股紅股官利一律照付本埠以三月初一日為始外埠以三月十六日為始屆時請各股東攜帶全賬息單此係第一期取息萬勿掣裁至原交股處支取息銀或此埠股東願改赴彼埠取息者可預先半個月到原埠掛號聲明俾可函告該處屆時照付倘有未經換股票者請迅持原給執照往換如無息單即無憑付息特此奉聞

付利處

天津 北京

保定 上海 漢口 唐山

張家口 天津分銀號

同啟

常州儒醫

秦小和男婦大小方脈

門診大洋一元 出診兩元寓吉陞棧內

利文洋

大小皮包法國洋號又新到轉盤換調話匣八音盒價值格外從廉仕宦官商光顧者請移玉紫竹林法租界本行面議可也

本行開設天津上海香港志呢華海參歲等處均設有年諸班貨物由外洋本機器廠自造磁蘭洋鐘皮套鐘天文坐卦等鐘以及金銀夾金銅鋼等表約有二百餘宗並各樣表練金鑲珠寶鑽石戒指留耳墜錫子表墜大小八音盒並留聲話匣單雙桶千里眼磁蘭磨花穿衣鏡妝梳洋鏡本行主人啟

武齋洋行

本行開設天津 於茲二十餘年 自運各種洋貨 絨紗布匹綢緞 繡化屏風鏡額 磁銅料器法藍 奇巧美術玩器 日用雜貨俱全 學界文房用品 旋行携帶等件 精工裝身物料 定織各色蓆氈 如蒙官商光顧 價值格外從廉 貨多不能備載 本行隨便入覽 電話一千三百七十四號 天津法租界 武齋洋行謹啟

林祥元記 緞洋貨

本號開設（北京前門外鮮魚口）（天津估衣街中間路北）（山東濟南府院西路北）等處 自置綢緞洋貨顧繡粧蟒花素貢絨緞各色抖蓬哈叻厚呢以及京廣什貨織絨綫貨各色 俱全貨高價廉劃一不二中外 紳商賜顧移玉是幸 瑞林祥元記具

平和戒煙醫局告白

啓者本局自上年冬月開設以來到局戒煙者頗不乏人歷著奇效祇因爲日甚長自不得不酌收藥資以助經費乃近日有多人踵門問訊之後因此裏足不前者殊失本局濟世之本意茲定於二月初一日起至三月底止暫行贈醫三個月凡一切藥資脉金分文不取除在局門標貼長條俾衆週知外特再登報宣布如四方有志自強而願除痼疾者速趁此三個月內到局診視時不可失尙望踴躍爭先切勿遲疑自誤是則所深願而切盼者也此佈

東城王府井大街平和戒煙醫局總理鹿潯理等同人告白

再啟者本醫局志願宏大大欲胥此中國一洗沉痾延來四川老醫士鄧益堂先生醫學精通且於戒煙方劑尤著神效但須逢人按脉診視與尋常戒烟丸散迥不相同今老醫士欲將生平學業奇術秘方播傳於世惟必須得穎悟之士素行清潔宅心正大方能傳授茲擬暫招學生十人每月自備膳費六元在局住宿朝夕討論如不能住局早來晚去亦聽便一俟學成之後即便推廣各省設立分局以廣流傳而普拯濟如有志救時情願來局受業者速覓妥保到局報名以便老醫士面試數日分別去取所有課程及畢業日期另續定詳細章程請到局閱看可也再佈

平和戒煙醫局謹再白

順天府尹凌大人捐庫平銀二百兩

晉省隱名氏集捐公砵平銀一千零八十兩

山東撫台袁捐洋四百元

候補京堂張大人煜南捐洋二千元

山東運台崔大人鍾善捐京足銀五百兩

福建臬台鹿大人學良捐京松銀五百兩

上海道台蔡乃焯捐京足銀二百兩

陝西藩庫廳沈錫榮捐京足銀一百兩

分省知縣鄭寶麟捐京足銀四十三兩

甘肅舉人趙椿年捐洋十元

直隸道台葉增濤捐洋六十元

張仲仁捐洋二十元

丁春之捐洋十四元

鍾薊泉捐洋十元

汪鶴齡捐洋八元

張信初捐洋八元

北京王府井大街平和戒煙醫局鳴謝清單

本局印售各種書籍圖畫目錄

澄衷學堂字課圖說

天文歌略

地球韻言

小學韻語

蒙養學堂百課

最新初等小學國文教科書

初等中國歷史教科書

心算初學

最新初等小學算數教科書
初等小學算數教科書教授法

忠經

次文學隅

東文典問答

地文學問答

皇朝政治學問答增校初二編

節本泰西新史攬要

筆算教科書

數學上編

普通新智識課本

中等植物教科書

中學礦物教科書

高等小學博物教科書

生理衛生學

化學教科書

中學地理中國誌

八本洋二元

一本洋三分

一本洋一角五分

一本洋二角五分

一本洋四角五分

一本洋三角二分

二本洋一元二分

二本洋一元

二本洋三角五分

二本洋四角五分

合售洋三角六分

一本洋六角

一本洋二角五分

一本洋二角五分

一本洋二角五分

二本洋五角

二本洋五角

二本洋四角五分

二本洋一元二角

二本洋四角

二本洋四角

二本洋四角

一本洋二角五分

一本洋二角五分

四本洋六角

植物學教科書

皇朝政典舉要

萬國憲法比較一本

法學通論

萬國通商史

新爾雅

康熙幾暇格物編

周禮政要

明夷待訪錄

普通教科書目提要

科學書目提要初編

心算教授法

萬國公法提要

甲辰學報彙編一百種

乙巳學報彙編

丙午學報彙編

全年學報彙編

農學新書三十五種

日本栽桑捷法

美國養雞法

農務述聞

畿輔輿地全圖

御製耕織圖

朝鮮輿地全圖

地球開闢次序圖
平頂地球圖
東三省鐵路全圖

一本洋二角五分

一本洋五角

一本洋三角五分

一本洋七角

一本洋二角

一本洋三角五分

二本洋四角

二本洋六角

一本洋二角

一本洋五分

一本洋一角五分

一本洋三角五分

四本洋一元

五十本洋五元七角

四十本洋四元二角

廿四本洋四元八角

廿二本洋五元六角

一本洋一角二分

一本洋四角

一本洋三角六分

六扇屏洋二元

二册洋五角

一册洋一元

三十二張洋一元

一張洋八角

本局廣告

本局承辦印刷研究精良近益不惜重資延聘外洋著名工師添購新式機器精製雕刻銅版所有承印各種紙幣股票等件圖畫精巧色澤鮮明紙質堅緻屢蒙中外官商照顧頗加獎譽茲為推廣招徠起見自本年承印各項價目格外減讓以副官商雅意如蒙賜顧請至本局賬房面議可也

本局售報價目

本埠售價官報按日一册每月三十册收價銀六角零購者每册洋銀二分

法政學報十日一册每月三册收價洋六角零購者每册二角

兩種合購每月收洋一圓二角

各州縣報價交銀者除額定銷數照舊收銀九錢外額外分購者統照本埠售價

埠售價

本局告白刊例

登一日者每字取洋五釐 三日四釐 七日三釐五 十五日三釐

一月二釐五 半年二釐 長年一釐五

以上均按四號字起碼加寬行數照所佔面積計算

登錄商標刻工另議

三號字加半倍 二號字加一倍

大清銀行廣告

大清銀行現定三月初六日在京師虎坊橋湖廣會館照章開股東會議屆期務祈 光臨並先於閏二月十五日起分派老股新股官餘利請附股諸君持摺來行取息特此白